



~~17~~
EX BIBLIOTH.
NATIONIS HUNGAR.

VITEBERG.

V-1

SIGNAT. MDCCCXXXIII.

EPITYMBION

IN FVNVS
 NOBILISSIMI, VIRTVTIBVS ET
 DOCTRINA ORNATISSIMI

D N. P E T R I P R E M I K E N,

WITTEBERGA-MARCHICI
 PHILOSOPHIAE ET S. S. THEOL. CONSECRANEI

DIE XXII. DECEMBRIS
 IN ALMA LEVCOREA

EX HAC VITA

PER PIAM PLACIDAMQVE MORTEM EVOCATI,
 ET DIE XXVI. DECEMBRIS SOLENNITER TVMVLATI

ANIMO LBRENTE QVIDEM SED MOESTO AC INQVIETO

EXARATVM

MEMORIAEQVE AMICI ET CONVICTORIS
 DICATVM

AB
 A M I C I S.

VITEMBERGAE,
 LITERIS AVGVSTI KOBÉRSTEINII.

+++ +++



Omprime gressum,
VIATOR,

Qui forte huc transis,
Vaca his paucis & cogita,
Te vana cogitare,

Si aevum & secula cogites;
Cum, quicquid sol oriens, quicquid sol occidens noverit,
Vanum sit, & Pegaseo gradu ad interitum festinet.

Vix orlus es vitam,
Vitam morte termines, necesse est:
Nasceris & moreris,

Nec, quam duos inter hos terminos concipis,
Vita est, sed via ad mortem.

Quippe
Nullus Tibi dies
Nulla hora

Nullum momentum fluit,

Quo non rapidis velis in urnam contendas,
TEMPVS NASCENDI, TEMPVS MORIENDI
Committit Salomoniam suadela sacris literis, sed obliterat

TEMPVS VIVENDI,
Cum inter NASCI ET MORI

Nullum tempus interjiciatur
Si mysticam significationem admittere iuvat,
Idem Tibi commonstrat AMRAMIDES,

Qui nullo alio libro interjecto
GENESI illico subjungit EXODVM,

Vt per ipsum ordinem Librorum insinuetur,
GENERATIONEM excipere MORTEM.

Quin Psalteris defixis oculis suis
In hanc necessariam NASCENDI MORIENDIQVE copulationem
DOMINVS, inquit, CVSTODIAT INTROITVM ET EXITVM

Qui non & VITAM?
Scilicet universa vita in INTROITV ET EXITV consistit.

Qua de re aecolae septemflui Nili
Fabricati sibi sunt ANGVSTA GVRGVSTIA

At AVGVSTA SEPVLCHRA,
Quoniam se includi autumarunt

Diu in sepulchris, brevi in domibus.

Vt alias alii plures, ita & jam
Hoc confirmat documento suo

Qui hic jacet expansus
Pereximius, Praestantissimus, Doctissimus
DN. Petrus PREMCKE

Olim cultor humanae divinaeque Sophiae, nunc omnium artium Professor,
Olim auditor, nunc Doctor,
Olim didicit, nunc edidicit,

Illud

Illud nempe,
In quo continetur omnis ars & perfecta scientia

SI DESIDERAS GRAMMATICVM:

En perculluit, te HOMINEM AB HVMO DERIVARI

Et humanos eosque innumeros adhuc CASVS sibi fuisse sufferendos,

Nisi eos ultima DECLINATIONE evitasset

Et cum Angelis suum Lactari CONIVGASSET:

SI RHETORICVM:

Vel elinguis Tibi perorat,

EXORDIVM suum fuisse NASCI,

CONCLVSIONEM MORI,

Et TROPVM non profuisse,

Cum ATROPVS vitae flamen abrumperet.

SI LOGICVM:

Et DIALECTICE & ANALYTICE tecum disputat

DIALECTICE: concludit mortalitatem

Vt sibi, sic aequè Tibi brevi imminentem

ANALYTICE: dat Tibi probatam

Corporis & animae ANALYTICAM

Omnibus ANALYSIBVS multo praefendam.

SI MATHEMATICVM:

Sistit Tibi hominem veluti FIGVRAM SPHAERICAM

In qua, a quo incipit puncto, in eodem terminatur.

Quod punctum si & tu, ut ille, noveris

Omnibus parafangis MATHEMATICOS praecurres omnes.

SI ARITHMETICVM:

Equidem NVMERARE potuit dies suos,

Sed ADDERE quicquam non potuit;

Nunc autem maxime potest,

Vbi de aeterno numero

Neque SVBTRAHENDO quicquam, neque DIVIDENDO

MVLTPLICAT illum

Et JVXTA AVREAM ILLAM REGVLAM DE- TRI

TRINVM IN VNO, ET VNVM IN TRINO videt

SI GEOMETRAM:

Mensus est, quanta ad corpus suum tegendum fuisset PERIPHERIA,

Cujus & tu MENSOR ERIS,

Cum ipse corpore tuo experimentum facies.

SI OPTICVM:

DEVM in coelis videt,

Quem tu in terris TVBIS OPTICIS non assequeris.

SI ASTROLOGVM:

Hominem esse QVASILVNAM MVTABILEM

Nec unquam permanere in eodem statu

Sed ad Eclipsin tendere,

Brevi vitae suae demonstrat cursu.

Si MVSICVM ET POETAM:

Oecidit Tibi:

Hodie mihi, cras Tibi;

Tibi

Illud

Nunc Chori Symphoniaci coelestis membrum
Cum coelicolis
Concinit-SANCTVS, SANCTVS, SANCTVS DN. DEVS ZEAOTH,
Quem laurea corona redimitus tempora
Festivo & innumeris numeris concinno carmine decantat.
Fortasse scire iuvat, utrum sit PHYSICVS ET METHAPHYSICVS?
Exacte novit praecepta GENERATIONIS ET CORRUPTIONIS
Et jam sola SVPERNATVRALI DISCIPLINA delectatur
Longe felicior illo STAGIRITA.
Scitaris, utrum ETHICVS ET POLITICVS?
Non solum verba fudit DE VIRTUTE,
Sed cum IN MEDIO CONSISTAT VIRTVS,
IN MEDIO SEMPER VIVIT,
Vtique dum IN MEDIO CIVIVM SVPREMAE ACADEMIAE
COELESTIBVS PRIVILEGHS donatus
BEATVS CIVIS audiat.
Disquis quam FACILTATVM Professionem sit meditatus?
Regerit Tibi: OMNIVM TRIVM
Tradidit sese olim THEOLOGIAE,
Attamen IN VIA
Nec potuit summum apicem transcendere;
Nunc vero IN PATRIA
Viso ipso Deo & hausta è libro vitae THEOLOGIA
De DEO omnibus numeris absolutam instituit Theologiam.
CODICE Mortuae perfectio, eius legem firmo stare talo:
OMNES VNAMANET NOX, ET CALCANDA SEMEL VIA LETHI;
Te docet.
EMEDICINA propinat Tibi REMEDIVM
Arte Paonia multo praestantius:
MORS OMNIVM MALORVM REMEDIVM
Haec lecta, Viator, sensibus imis reponere
Eaque semper revolve.
Sic omnibus eruditus evades eruditior
Et bono omine hunc sequeris.
Ante autem, quam hinc te auferas,
Da huic Tempe coelestium Incolae PLAVSVM,
Quod DEVS indulsit
LABORES appetenti, QUIETEM,
Molestiis immerso, tranquillitatem,
Pro sapientia humana, divinam
Pro Schola mundana, coelestem
Pro patria terrena, veram
Pro consortio hominum, Angelicum
Pro vita temporali, aeternam,
Pro solo, polum.



Ung.

VI 1

= [Occasionalia Vol. 2.
= Fumeralia K.-R.]

X.285598A

W 117
W 118



EPITYMBION
IN FUNVS
NOBILISSIMI, VIRTVTIBVS ET
DOCTRINA ORNATISSIMI
D N. P E T R I
PREMIKEN,
WITTEBERGA-MARCHICI
PHILOSOPHIAE ET S S. THEOL. CONSECRANEI
DIE XXII. DECEMBRIS
IN ALMA LEVCOREA
 EX HAC VITA
PER PIAM PLACIDAMQVE MORTEM EVOCATI,
ET DIE XXVI. DECEMBRIS SOLENNITER TVMVLATI,
ANIMO LIBENTE QVIDEM SED MOESTO AC INQUIETO
 EXARATVM
MEMORIAEQVE AMICI ET CONVICTORIS
DICATVM
 AB
A M I C I S.

WITTEBERGAE,
 LITERIS AVGVSTI KOBERSTEINII.

